

KPM rangka cara terbaik pembelajaran dalam talian

Kajian dapati masih ramai pelajar tidak memiliki gajet

Oleh Izwan Abdullah
bhnews@bh.com.my

Tambunan: Kementerian Pendidikan (KPM) sedang merangka pendekatan terbaik bagi menyelesaikan masalah pembelajaran dalam talian.

Isa susulan kajian kaji selidik berkaitan keupayaan murid dan pelajar belajar dalam talian mendedahkan 36 peratus tidak memiliki sebarang peranti atau gajet.

Menterinya, Dr Radzi Jidin, berkata kajian itu yang dilakukan ketika Perintah Kawalan Pergerakan (PKP) baru-baru mendapati masih terlalu ramai pelajar yang tidak mempunyai peralatan untuk digunakan dalam konteks kaedah pembelajaran di rumah termasuk pembelajaran dalam talian.

"Kami di Kementerian Pendidikan sedang melihat secara holistik bagi memastikan pende-



Radzi beramah mesra dengan pelajar ketika melawat SMK Nambayan di Tambunan, semalam.

(Foto Malai Rosmah Tuah/BH)

Kami sedang melihat secara holistik pastikan pendekatan itu menyentuh semua perkara berkaitan.

Radzi Jidin,
Menteri Kanan (Pendidikan)

katan itu menyentuh semua perkara yang berkaitan.

"Kalau tidak, kita buat sikit, kecil-kecil tetapi mungkin kita tidak dapat mencapai hasrat untuk melihat satu sistem yang menyeluruh," katanya kepada pemberita ketika melawat Sekolah Menengah Kebangsaan (SMK) Nambayan, di sini, semalam.

Yang turut hadir Ketua Setiausaha Kementerian Pendidikan, Datuk Yusran Shah Mohd

Yusof dan Pengarah Pendidikan Sabah, Dr Mistirine Radin.

Radzi berkata, kementerianya belajar dengan apa yang berlaku ketika COVID-19.

Bagaimanapun, katanya, memandang perkara itu memabitkan kos yang cukup besar, kementerianya perlu lihat secara mendalam untuk mencari pendekatan terbaik bagi memberi manfaat optimum kepada pelajar.